

I hab nix gsagt

Der Floh is übers Bett marschiert
Da Deifi hat si n' Oasch rasiert
Der Storch hat uns vier Kinder bracht
Doch i, i steh auf acht!

Der Spahn, der hat si sehr varrenkt
Weil d' Leihmuadda an Buam eahm schenkt
Er moant, wann er die Regeln kennt
Bleibt folgenlos, wann er's vapernt

Der Kanzler war net angetan
Von den Fehlern von dem Spahn
Jetzt is der Frei der Innenknecht
Der eahm de Sachn richten mecht

Und die liabe Nina Warken
Muass a trocken Feld beharken
Dass drauf neie Bleameln blühen
Welche d' Sunn lässt schnoi verglügen

De Hitz, de kimmt scho im Aprui
Dreißig Grad und sakrisch schwui
Im August fällt da erste Schnee
Am Wallberg überm Tegernsee

Im Stall, da steht a fette Sau
Die schlacht i no, mit meiner Frau
Werd a jede Wuidsau g'schlacht
Dann Tramp & Co guad Nacht

I war scho in Amerika
Doch jetzad bleib i liaba da
Weil der, der wo heit dort regiert
Hier längst übergriffig wird

Leute bleibts uns stets gewogen
Was net war is, is gelogen
Was net glogen is, is war
So lebt man wunderbar